

REGLUGERÐ

um breyting á reglugerð um þvingunaraðgerðir varðandi Mið-Afríkulyðveldið nr. 760/2014, ásamt síðari breytingum.

1. gr.

Þvingunaraðgerðir.

Eftirfarandi töluliðir bætast við 1. mgr. 2. gr. reglugerðar um þvingunaraðgerðir varðandi Mið-Afríkulyðveldið nr. 760/2014, ásamt síðari breytingum, í rétttri númeraröð:

- 1.6 Framkvæmdarákvörðun ráðsins (SSUÖ) 2015/2459 frá 23. desember 2015 um framkvæmd ákvörðunar 2013/798/SSUÖ um þvingunaraðgerðir gegn Mið-Afríkulyðveldinu, sbr. fylgiskjal 1.6.
- 1.7 Framkvæmdarákvörðun ráðsins (SSUÖ) 2016/360 frá 11. mars 2016 um framkvæmd ákvörðunar 2013/798/SSUÖ um þvingunaraðgerðir gegn Mið-Afríkulyðveldinu, sbr. fylgiskjal 1.7.
- 1.8 Ákvörðun ráðsins (SSUÖ) 2016/564 frá 11. apríl 2016 um breytingu á ákvörðun 2013/798/SSUÖ um þvingunaraðgerðir gegn Mið-Afríkulyðveldinu, sbr. fylgiskjal 1.8.
- 1.9 Framkvæmdarákvörðun ráðsins (SSUÖ) 2016/1446 frá 31. ágúst 2016 um framkvæmd ákvörðunar 2013/798/SSUÖ um þvingunaraðgerðir gegn Mið-Afríkulyðveldinu, sbr. fylgiskjal 1.9.
- 2.6 Framkvæmdarreglugerð ráðsins (ESB) 2015/2454 frá 23. desember 2015 um framkvæmd 1. og 3. mgr. 17. gr. reglugerðar nr. 224/2014 um þvingunaraðgerðir í ljósi ástandsins í Mið-Afríkulyðveldinu, sbr. fylgiskjal 2.6.
- 2.7 Framkvæmdarreglugerð ráðsins (ESB) 2016/354 frá 11. mars 2016 um framkvæmd 1. mgr. 17. gr. reglugerðar nr. 224/2014 um þvingunaraðgerðir í ljósi ástandsins í Mið-Afríkulyðveldinu, sbr. fylgiskjal 2.7.
- 2.8 Reglugerð ráðsins (ESB) 2016/555 frá 11. apríl 2016 um breytingu á reglugerð (ESB) nr. 224/2014 um þvingunaraðgerðir í ljósi ástandsins í Mið-Afríkulyðveldinu, sbr. fylgiskjal 2.8.
- 2.9 Framkvæmdarreglugerð ráðsins (ESB) 2016/1442 frá 31. ágúst 2016 um framkvæmd 1. og 3. mgr. 17. gr. reglugerðar nr. 224/2014 um þvingunaraðgerðir í ljósi ástandsins í Mið-Afríkulyðveldinu, sbr. fylgiskjal 2.9.

2. gr.

Gildistaka o.fl.

Reglugerð þessi, sem er sett með heimild í 4. og 12. gr. laga um framkvæmd alþjóðlegra þvingunaraðgerða nr. 93/2008, öðlast þegar gildi.

Utanríkisráðuneytinu, 22. febrúar 2017.

Guðlaugur Þór Þórðarson.

Stefán Haukur Jóhannesson.

Fylgiskjal 1.6.**FRAMKVÆMDARÁKVÖRÐUN RÁÐSINS (SSUÖ) 2015/2459****frá 23. desember 2015****um framkvæmd ákvörðunar 2013/798/SSUÖ
um þvingunaraðgerðir gegn Mið-Afríkulýðveldinu.**

Viðaukanum við ákvörðun 2013/798/SSUÖ er hér með breytt eins og kemur fram í viðauka við ákvörðun þessa. (Efnisútdráttur).

VIÐAUKI

Viðaukinn er birtur á vef Stjórnartíðinda ESB:

<http://eur-lex.europa.eu/legal-content/EN/TXT/?qid=1481377562682&uri=CELEX:32015D2459>.

Síðari breytingar og uppfærslur listans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

Fylgiskjal 1.7.**FRAMKVÆMDARÁKVÖRÐUN RÁÐSINS (SSUÖ) 2016/360****frá 11. mars 2016****um framkvæmd ákvörðunar 2013/798/SSUÖ
um þvingunaraðgerðir gegn Mið-Afríkulýðveldinu.**

Viðaukanum við ákvörðun 2013/798/SSUÖ er hér með breytt eins og kemur fram í viðauka við ákvörðun þessa. (Efnisútdráttur).

VIÐAUKI

Viðaukinn er birtur á vef Stjórnartíðinda ESB:

<http://eur-lex.europa.eu/legal-content/EN/TXT/PDF/?uri=CELEX:32016D0360&rid=1>.

Síðari breytingar og uppfærslur listans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

Fylgiskjal 1.8.**ÁKVÖRÐUN RÁÐSINS (SSUÖ) 2016/564****frá 11. apríl 2016****um breytingu á ákvörðun 2013/798/SSUÖ
um þvingunaraðgerðir gegn Mið-Afríkulýðveldinu.**

RÁÐ EVRÓPUSAMBANDSINS HEFUR,

með hliðsjón af sáttmálanum um Evrópusambandið, einkum 29. gr.,

með hliðsjón af tillögu frá æðsta fulltrúa Sambandsins í utanríkis- og öryggismálum,

og að teknu tilliti til eftirfarandi:

- 1) Hinn 23. desember 2013 samþykkti ráðið ákvörðun 2013/798/SSUÖ ⁽¹⁾ í kjölfar samþykktar ályktunar öryggisráðs Sameinuðu þjóðanna nr. 2127 (2013).
- 2) Hinn 27. janúar 2016 samþykkti öryggisráð Sameinuðu þjóðanna ályktun 2262 (2016) sem framlengir vopnasölubannið, ferðabannið og frystingu fjármuna gagnvart Mið-Afríkulýðveldinu til 31. janúar 2017 og sem kveður á um tilteknar breytingar á undanþágum á vopnasölubanninu og á viðmiðununum um tilgreiningu.

- 3) Frekari aðgerða er þörf af hálfu Evrópusambandsins til þess að hrinda þessum aðgerðum í framkvæmd.
- 4) Því ber að breyta ákvörðun 2013/798/SSUÖ til samræmis við það.

SAMÞYKKT ÁKVÖRDUN ÞESSA:

1. gr.

Ákvörðun 2013/798/SSUÖ er breytt sem hér segir:

- 1) Ákvæðum 2. gr. er breytt sem hér segir:
 - a) Í stað c-liðar 1. mgr. komi eftirfarandi:

„c) sölu, afhendingu, tilflutning eða útflutning á smávopnum og öðrum tengdum búnaði sem eingöngu eru ætluð til nota af hálfu alþjóðlegra eftirlitssveita, sem gæta öryggis á Sangha River-verndarsvæðinu sem tekur til þriggja landa, til varna gegn veiðipjófnaði, smygli á filabeini og vopnum og annarri starfsemi sem brýtur gegn landslögum í Mið-Afríkúlýðveldinu eða alþjóðlegum lagalegum skuldbindingum þess, og sem nefndinni hefur verið tilkynnt um fyrirfram,“.
 - b) Við bætist d-liður 1. mgr. sem hér segir:

„d) sölu, afhendingu, tilflutning eða útflutning á óbanvænum búnaði og veitingu þjónustu, þ.m.t. aðgerðapjálfun og önnur þjálfun fyrir öryggissveitir Mið-Afríkúlýðveldisins, sem einungis eru ætluð til stuðnings eða nota fyrir enduruppbyggingu Mið-Afríkúlýðveldisins á sviði öryggismála, í samvinnu við MINUSCA, og sem nefndinni hefur verið tilkynnt um fyrirfram.“
 - c) Í stað a-liðar 2. mgr. komi eftirfarandi:

„a) sölu, afhendingu, tilflutning eða útflutning á óbanvænum herbúnaði, sem einungis er til nota í mannúðar- eða verndarskyni, og veitingu tengdrar, tæknilegrar aðstoðar eða þjálfunar,“.
- 2) Í stað 1. mgr. 2. gr. a komi eftirfarandi:

„1. Aðildarríkin skulu gera nauðsynlegar ráðstafanir til að koma í veg fyrir að inn á yfirráðasvæði sín komi, eða um þau fari, aðilar, sem nefndin, sem stofnuð var skv. 57. mgr. ályktunar öryggisráðs SP 2127 (2013) („nefndin“), hefur tilgreint:

 - a) að taki þátt í eða styðji við aðgerðir sem grafa undan friði, öryggi eða stöðugleika í Mið-Afríkúlýðveldinu, þ.m.t. aðgerðir sem ógna eða koma í veg fyrir pólitískt umbreytingarferli, eða stöðugleika- og sattaferlið, eða sem ýta undir ofbeldi,
 - b) að brjóti gegn vopnasölubanninu, sem komið var á með 54. mgr. ályktunar öryggisráðs SP nr. 2127 (2013) og 1. gr. þessarar ákvörðunar, eða hafi, beint eða óbeint, selt, afhent eða tilfært vopn eða tengd hergögn, eða tækniráðgjöf, þjálfun eða aðstoð, þ.m.t. fjármögnun og fjárhagsleg aðstoð, til vopnaðra hópa eða afbrotasamtaka í Mið-Afríkúlýðveldinu, eða verið viðtakendur þessa, í tengslum við ofbeldisfulla starfsemi vopnaðra hópa eða afbrotasamtaka í Mið-Afríkúlýðveldinu,
 - c) að taki þátt í að skipuleggja, stjórna eða fremja verknaði sem brjóta í bága við alþjóðleg mannréttindalög eða alþjóðlegan mannúðarrétt, eftir því sem við á, eða sem eru mannréttindabrot, í Mið-Afríkúlýðveldinu, þ.m.t. verknaði sem fela í sér kynferðislegt ofbeldi, árásir sem beinast gegn almennum borgurum, árásir á grundvelli þjóðernislegs uppruna eða trúarbragða, árásir á skóla og sjúkrahús og brottnám og nauðungarflutninga,
 - d) að taki börn í þjónustu sína eða noti þau í vopnuðum átökum í Mið-Afríkúlýðveldinu og brjóti þannig gegn gildandi reglum þjóðaréttar,
 - e) að veiti vopnuðum hópum eða afbrotasamtökum stuðning með ólöglegri nýtingu eða verslun með náttúruauðlindir, þ.m.t. demantar, gull og villt dýr auk afurða af villtum dýrum, í eða frá Mið-Afríkúlýðveldinu,
 - f) að hindri mannúðaraðstoð við Mið-Afríkúlýðveldið eða aðgang að mannúðaraðstoð eða úthlutun hennar í Mið-Afríkúlýðveldinu,
 - g) að taki þátt í að skipuleggja, stjórna, styrkja eða gera árásir á sendisveitir Sameinuðu þjóðanna eða alþjóðlegar öryggissveitir á staðnum, þ.m.t. margþætt, samþætt sendisveit Sameinuðu þjóðanna um stöðugleika í Mið-Afríkúlýðveldinu (Minusca), sendisveitir Sambandsins og frönsku sveitirnar sem styðja þær,
 - h) að séu leiðtogar rekstrareiningar sem nefndin hefur tilgreint, eða hafi veitt stuðning eða starfað í þágu, fyrir hönd eða samkvæmt fyrirmælum aðila, rekstrareiningar eða stofnunar, sem nefndin hefur tilgreint, eða rekstrareiningar í eigu eða undir stjórn tilgreinds aðila, rekstrareiningar eða stofnunar, sem nefndin hefur tilgreint,

sem eru tilgreindir í viðaukanum við þessa ákvörðun.“

3) Í stað 1. mgr. 2. gr. b komi eftirfarandi:

„1. Frysta ber alla fjármuni og efnahagslegan auð, sem með beinum eða óbeinum hætti er í eigu eða undir stjórn aðila eða rekstrareininga, sem nefndin hefur tilgreint:

- a) að taki þátt í eða styðji við aðgerðir sem grafa undan friði, öryggi eða stöðugleika í Mið-Afríkúlýðveldinu, þ.m.t. aðgerðir sem ógna eða koma í veg fyrir pólitískt umbreytingarferli, eða stöðugleika- og sáttferlið, eða sem ýta undir ofbeldi,
- b) að brjóti gegn vopnasölubanninu, sem komið var á með 54. mgr. ályktunar öryggisráðs SP nr. 2127 (2013) og 1. gr. þessarar ákvörðunar, eða hafi, beint eða óbeint, selt, afhent eða tilfært vopn eða tengd hergögn, eða tækniráðgjöf, þjálfun eða aðstoð, þ.m.t. fjármögnun og fjárhagsleg aðstoð, til vopnaðra hópa eða afbrotasamtaka í Mið-Afríkúlýðveldinu, eða verið viðtakendur þessa, í tengslum við ofbeldisfulla starfsemi vopnaðra hópa eða afbrotasamtaka í Mið-Afríkúlýðveldinu,
- c) að taki þátt í að skipuleggja, stjórna eða fremja verknaði sem brjóta í bága við alþjóðleg mannréttindalög eða alþjóðlegan mannúðarrétt, eftir því sem við á, eða sem eru mannréttindabrot, í Mið-Afríkúlýðveldinu, þ.m.t. verknaði sem fela í sér kynferðislegt ofbeldi, árásir sem beinast gegn almennum borgurum, árásir á grundvelli þjóðernislegs uppruna eða trúarbragða, árásir á skóla og sjúkrahús og brottmál og nauðungarflutninga,
- d) að taki börn í þjónustu sína eða noti þau í vopnuðum átökum í Mið-Afríkúlýðveldinu og brjóti þannig gegn gildandi reglum þjóðaréttar,
- e) að veiti vopnuðum hópum eða afbrotasamtökum stuðning með ólöglegri nýtingu eða verslun með náttúruauðlindir, þ.m.t. demantar, gull og villt dýr auk afurða af villtum dýrum, í eða frá Mið-Afríkúlýðveldinu,
- f) að hindri mannúðaraðstoð við Mið-Afríkúlýðveldið eða aðgang að mannúðaraðstoð eða úthlutun hennar í Mið-Afríkúlýðveldinu,
- g) að taki þátt í að skipuleggja, stjórna, styrkja eða gera árásir á sendisveitir Sameinuðu þjóðanna eða alþjóðlegar öryggissveitir á staðnum, þ.m.t. margþætt, samþætt sendisveit Sameinuðu þjóðanna um stöðugleika í Mið-Afríkúlýðveldinu (Minusca), sendisveitir Sambandsins og frönsku sveitirnar sem styðja þær,
- h) að séu leiðtogar rekstrareiningar sem nefndin hefur tilgreint, eða hafi veitt stuðning eða starfað í þágu, fyrir hönd eða samkvæmt fyrimælum aðila, rekstrareiningar eða stofnunar, sem nefndin hefur tilgreint, eða rekstrareiningar í eigu eða undir stjórn tilgreinds aðila, rekstrareiningar eða stofnunar, sem nefndin hefur tilgreint.

Þeir aðilar og rekstrareiningar sem um getur í þessari málsgrein eru tilgreindir í viðaukanum við þessa ákvörðun.“

2. gr.

Ákvörðun þessi öðlast gildi daginn eftir að hún birtist í *Stjórnartíðindum Evrópusambandsins*.

Gjört í Lúxemborg 11. apríl 2016.

Fyrir hönd ráðsins,
M.H.P. VAN DAM
forseti.

⁽¹⁾ Ákvörðun ráðsins 2013/798/SSUÖ frá 23. desember 2013 um þvingunaraðgerðir gegn Mið-Afríkúlýðveldinu (Stjtið. ESB L 352, 24.12.2013, bls. 51).

Fylgiskjal 1.9.

FRAMKVÆMDARÁKVÖRÐUN RÁÐSINS (SSUÖ) 2016/1446

frá 31. ágúst 2016

**um framkvæmd ákvörðunar 2013/798/SSUÖ
um þvingunaraðgerðir gegn Mið-Afríkúlýðveldinu.**

Viðaukanum við ákvörðun 2013/798/SSUÖ er hér með breytt eins og kemur fram í viðauka við ákvörðun þessa. (Efnisútdráttur).

VIÐAUKI

Viðaukinn er birtur á vef Stjórnartíðinda ESB:

<http://eur-lex.europa.eu/legal-content/EN/TXT/PDF/?uri=CELEX:32016D1446&rid=1>.

Síðari breytingar og uppfærslur listans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

Fylgiskjal 2.6.

FRAMKVÆMDARREGLUGERÐ RÁÐSINS (ESB) 2015/2454

frá 23. desember 2015

**um framkvæmd 1. og 3. mgr. 17. gr. reglugerðar nr. 224/2014
um þvingunaraðgerðir í ljósi ásandsins í Mið-Afríkúlýðveldinu.**

Viðaukanum við reglugerð (ESB) nr. 224/2014 er hér með breytt eins og kemur fram í viðauka við reglugerð þessa. (Efnisútdráttur).

VIÐAUKI

Viðaukinn er birtur á vef Stjórnartíðinda ESB:

<http://eur-lex.europa.eu/legal-content/EN/TXT/PDF/?uri=CELEX:32015R2454&rid=1>.

Síðari breytingar og uppfærslur listans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

Fylgiskjal 2.7.

FRAMKVÆMDARREGLUGERÐ RÁÐSINS (ESB) 2016/354

frá 11. mars 2016

**um framkvæmd 1. mgr. 17. gr. reglugerðar nr. 224/2014
um þvingunaraðgerðir í ljósi ásandsins í Mið-Afríkúlýðveldinu.**

Viðaukanum við reglugerð (ESB) nr. 224/2014 er hér með breytt eins og kemur fram í viðauka við reglugerð þessa. (Efnisútdráttur).

VIÐAUKI

Viðaukinn er birtur á vef Stjórnartíðinda ESB:

<http://eur-lex.europa.eu/legal-content/EN/TXT/HTML/?uri=CELEX:32016R0354&rid=1>.

Síðari breytingar og uppfærslur listans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

Fylgiskjal 2.8.

REGLUGERÐ RÁÐSINS (ESB) 2016/555
frá 11. apríl 2016
um breytingu á reglugerð (ESB) nr. 224/2014
um þvingunaraðgerðir í ljósi ástandsins í Mið-Afríkúlýðveldinu.

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 215. gr.,

með hliðsjón af ákvörðun ráðsins 2013/798/SSUÖ frá 23. desember 2013 um þvingunaraðgerðir gegn Mið-Afríkúlýðveldinu ⁽¹⁾,

með hliðsjón af sameiginlegri tillögu frá æðsta fulltrúa Sambandsins í utanríkis- og öryggismálum og framkvæmdastjórn Evrópusambandsins,

og að teknu tilliti til eftirfarandi:

- 1) Með reglugerð ráðsins (ESB) nr. 224/2014 ⁽²⁾ koma til framkvæmda tilteknar aðgerðir sem kveðið er á um í ákvörðun 2013/798/SSUÖ.
- 2) Ákvörðun 2013/798/SSUÖ kveður á um vopnasölubann gegn Mið-Afríkúlýðveldinu og frýstingu fjármuna og efnahagslegs auðs tiltekinna aðila sem taka þátt í, eða styðja við aðgerðir sem grafa undan friði, öryggi eða stöðugleika í Mið-Afríkúlýðveldinu.
- 3) Hinn 27. janúar 2016 samþykkti öryggisráð Sameinuðu þjóðanna ályktun 2262 (2016) um að breyta viðmiðunum um tilgreiningu vegna frýstingar fjármuna. Ráðið samþykkti ákvörðun (SSUÖ) 2016/564 ⁽³⁾ um breytingu á ákvörðun 2013/798/SSUÖ til að koma til framkvæmda ályktun öryggisráðs SP 2262 (2016).
- 4) Lagasetning á vettvangi Sambandsins er nauðsynleg.
- 5) Því ætti að breyta reglugerð (ESB) nr. 224/2014 til samræmis við það.

SAMÞYKKT REGLUGERÐ ÞESSA:

I. gr.

Reglugerð (ESB) nr. 224/2014 er breytt sem hér segir:

- 1) Eftirfarandi liður bætist við 3. gr.:

„c) í tengslum við birgðir óbanvæns búnaðar og veitingu aðstoðar, þ.m.t. aðgerðapjálfun og önnur pjálfun fyrir öryggissveitir Mið-Afríkúlýðveldisins, sem einungis eru ætluð til stuðnings eða nota fyrir enduruppbyggingu Mið-Afríkúlýðveldisins á sviði öryggismála, í samvinnu við Minusca, að því tilskildu að framkvæmdanefndinni um þvingunaraðgerðir hafi verið tilkynnt um það fyrirfram.“

- 2) Í stað 3. mgr. 5. gr. komi eftirfarandi:

„3. Í I. viðauka skulu koma fram einstaklingar eða lögaðilar, rekstrareiningar og stofnanir, sem framkvæmdanefndin um þvingunaraðgerðir hefur staðfest:

- a) að taki þátt í eða styðji við aðgerðir sem grafa undan friði, öryggi eða stöðugleika í Mið-Afríkúlýðveldinu, þ.m.t. aðgerðir sem ógna eða koma í veg fyrir pólitískt umbreytingarferli, eða stöðugleika- og sáttaferlið, eða sem ýta undir ofbeldi,
- b) að brjóti gegn vopnasölubanninu, sem komið var á með 54. mgr. ályktunar öryggisráðs SP nr. 2127 (2013), eða hafi, beint eða óbeint, selt, afhent eða tilfært vopn eða tengd hergögn, eða tækniráðgjöf, pjálfun eða aðstoð, þ.m.t. fjármögnun og fjárhagsleg aðstoð, til vopnaðra hópa eða afbrotasamtaka í Mið-Afríkúlýðveldinu, eða verið viðtakendur þessa, í tengslum við ofbeldisfulla starfsemi vopnaðra hópa eða afbrotasamtaka í Mið-Afríkúlýðveldinu,
- c) að taki þátt í að skipuleggja, stjórna eða fremja verknaði sem brjóta í bága við alþjóðleg mannréttindalög eða alþjóðlegan mannúðarrétt, eftir því sem við á, eða sem eru mannréttindabrot, í Mið-Afríkúlýðveldinu, þ.m.t. verknaði sem fela í sér kynferðislegt ofbeldi, árásir sem beinast gegn almennum borgurum, árásir á grundvelli þjóðernislegs uppruna eða trúarbragða, árásir á skóla og sjúkrahús og brotnám og nauðungarflutninga,
- d) að taki börn í þjónustu sína eða noti þau í vopnuðum átökum í Mið-Afríkúlýðveldinu og brjóti þannig gegn gildandi reglum þjóðaréttar,

- e) að veiti vopnuðum hópum eða afbrotasamtökum stuðning með ólöglegri nýtingu eða verslun með náttúruauðlindir, þ.m.t. demantar, gull og villt dýr, auk afurða af villtum dýrum, í eða frá Mið-Afríkúlýðveldinu,
- f) að hindri mannúðaraðstoð við Mið-Afríkúlýðveldið eða aðgang að mannúðaraðstoð eða úthlutun hennar í Mið-Afríkúlýðveldinu,
- g) að taki þátt í að skipuleggja, stjórna, styrkja eða gera árásir á sendisveitir Sameinuðu þjóðanna eða alþjóðlegar öryggissveitir á staðnum, þ.m.t. margþætt, samþætt sendisveit Sameinuðu þjóðanna um stöðugleika í Mið-Afríkúlýðveldinu (Minusca), sendisveitir Sambandsins og frönsku sveitirnar sem styðja þær,
- h) að séu leiðtogar rekstrareiningar sem framkvæmdanefndin um þvingunaraðgerðir hefur tilgreint, eða hafi veitt stuðning eða starfað í þágu, fyrir hönd eða samkvæmt fyrirráðgjafi, rekstrareiningar eða stofnunar, sem framkvæmdanefndin um þvingunaraðgerðir hefur tilgreint, eða rekstrareiningar í eigu eða undir stjórn tilgreinds aðila, rekstrareiningar eða stofnunar.“

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Lúxemborg 11. apríl 2016.

Fyrir hönd ráðsins,
M.H.P. VAN DAM
forseti.

⁽¹⁾ Stjtið. ESB L 352, 24.12.2013, bls. 51.

⁽²⁾ Reglugerð ráðsins (ESB) nr. 224/2014 frá 10. mars 2014 um þvingunaraðgerðir í ljósi ástandsins í Mið-Afríkúlýðveldinu (Stjtið. ESB L 70, 11.3.2014, bls. 1).

⁽³⁾ Ákvörðun ráðsins (SSUÖ) 2016/564 frá 11. apríl 2016 um breytingu á ákvörðun 2013/798/SSUÖ um þvingunaraðgerðir gegn Mið-Afríkúlýðveldinu (Stjtið. ESB L 96, 12.4.2016, bls. 38).

Fylgiskjal 2.9.

FRAMKVÆMDARREGLUGERÐ RÁÐSINS (ESB) 2016/1442

frá 31. ágúst 2016

um framkvæmd 1. og 3. mgr. 17. gr. reglugerðar nr. 224/2014 um þvingunaraðgerðir í ljósi ástandsins í Mið-Afríkúlýðveldinu.

Viðaukanum við reglugerð (ESB) nr. 224/2014 er hér með breytt eins og kemur fram í viðauka við reglugerð þessa. (Efnisútdráttur).

VIÐAUKI

Viðaukinn er birtur á vef Stjórnartíðinda ESB:

<http://eur-lex.europa.eu/legal-content/EN/TXT/PDF/?uri=CELEX:32016R1442&rid=23>.

Síðari breytingar og uppfærslur listans öðlast sjálfkrafa gildi við birtingu á vef Stjórnartíðinda ESB (<http://eur-lex.europa.eu>), sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.